



Zajednička komisija za nadzor nad radom
Obavještajno-sigurnosne agencije Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije Bosne i Hercegovine

Зједничка комисија за надзор над радом
Обавјештајно-безбједносне агенције Босне и Херцеговине

Broj: 03/2-50-1-8-16/09
Sarajevo, 17. 03. 2009.godine

IZVJEŠTAJ **sa sastanka s ambasadorom Republike Mađarske**

U prostorijama Zajedničke sigurnosno-obavještajne komisije za nadzor nad radom OSABiH, 19.1.2009., održan je sastanak s ambasadorom Republike Mađarske u Bosni i Hercegovini.

Sastanak je realiziran u okviru Plana rada Komisije za 2009. godinu.

Uime Komisije, sastanku su prisustvovali:

1. Mirko Okolić, predsjedavajući
2. Božo Rajić, prvi zamjenik
3. Šemsudin Mehmedović, drugi zamjenik predsjedavajućeg
4. Sadka Đonko, sekretar Komisije
5. Predrag Nikolić, stručni savjetnik

Uime Ambasade, sastanku su prisustvovali:

1. Imre Varga, ambasador
2. Atila Lajoš, savjetnik u Ambasadi.

Predsjedavajući Komisije Mirko Okolić zaželio je dobrodošlicu i izrazio zadovoljstvo što je upriličen ovaj sastanak.

Upoznao je ambasadora s radom, nadležnostima kao i aktivnostima Komisije, utvrđenim Planom rada za 2009. godinu.

Istakao da je ovaj sastanak veoma značajan za buduću saradnju Komisije i ambasade R Mađarske a posebno što je Komisija Planom rada za 2009. godinu predvidjela posjetu institucijama iz oblasti obavještajno-sigurnosnog sektora kao i komisiji koja provodi parlamentarni nadzor.

Zamjenici predsjedavajućeg Božo Rajić i Šemsudin Mehmedović također su se zahvalili ambasadoru na održavanju ovog sastanka i konstatirali da je Mađarska prijatelj BiH. Ambasador Imre Varga zahvalio se na pozivu za ovaj sastanak i naglasio da do sada nije bilo kontakata s Ambasadom te s tim u vezi ovu posjetu smatra veoma značajnom izražavajući spremnost za nastavak daljnje saradnje.

Upoznao je prisutne o tome koje institucije Parlament i Republika Mađarska imaju u oblasti sigurnosti. Također da rekao da postoji spremnost članova ovih komisija za saradnju i razgovor. Ponudio je svaku vrstu pomoći u organizaciji posjete Komisije Republici Mađarskoj. Predložio je da, osim navedenih komisija, Komisija posjeti i Komisiju za vanjsku politiku i odbranu.

Izrazio je želju da naša država prebrodi sve probleme ka priključenju u euroatlantske integracije jer ima sve pretpostavke za napredak dodajući da svaka država može biti uspješna iako ima kompliciran sistem.

Smatra da OSABiH obavlja svoje poslove vrlo profesionalno a i prema mišljenjima drugih zemalja da je ona jedna od najboljih institucija BiH. Ovakve institucije treba jačati i profesionalno osposobiti imajući u vidu da su izazovi teški, i što je bolno za jedne to je i za druge.

Također, naglasio je da je sretan što Atila Lajoš, savjetnik u Ambasadi, koji je na čelu Twining projekta koji izvodi Vlada Mađarske u Ministarstvu sigurnosti BiH, učestvuje u edukaciji službenika i uspostavljanju Centralnog registra po svjetskim principima.

Predsjedavajući Komisije zahvalio se ambasadoru i naglasio da ovakvi sastanci imaju svoje svrhu jer se na taj način razmjenjuju iskustava koja mogu pomoći Komisiji u daljnjem radu tako i drugima.

**Predsjedavajući Komisije
mr. Mirko Okolić**